

fundata latera ad mensuram calami sex cubitorum spatium :

9 Et latitudinem per parietem lateris forinsecus quinque cubitorum : & erat interior domus in lateribus domus.

10 Et inter gazophylacia latitudinem viginti cubitorum in circuitu domus undique ,

11 Et ostium lateris ad orationem : ostium unum ad viam Aquilonis , & ostium unum ad viam Australem ; & latitudinem loci ad orationem , quinque cubitorum in circuitu.

12 Et ædificium , quod erat separatum , versumque ad viam respicientem ad Mare , latitudinis septuaginta cubitorum . Parietem autem ædificii , quinque cubitorum latitudinis per circuitum : & longitudo ejus nonaginta cubitorum .

13 Et mensus est domus longitudinem , centum cubitorum : & quod separatum erat ædificium , & parietes ejus , longitudinis centum cubitorum .

14 Latitudo autem ante faciem domus : & ejus , quod erat separatum contra Orientem , centum cubitorum .

15 Et mensus est longitudinem ædificii contra faciem ejus , quod erat separatum ad dorsum : ethecas ex utraque parte centum cubitorum : & templum interius , & vestibula atrii .

16 Limina , & fenestras obliquas , & ethecas in circuitu per tres partes , contra uniuscujusque limen , stratumque ligno per gyrum in circuitu : terra autem usque ad fenestras , & fenestræ claustræ super ostia .

17 Et usque ad domum interiorem , & forinsecus per omnem parietem in circuitu intrinsecus , & forinsecus , ad mensuram .

18 Et fabricata cherubim & palmæ : & palma inter cherub & cherub , duasque facies habebat cherub .

19 Faciem hominis juxta palmam ex hac parte , & faciem leonis juxta palmam ex alia parte , expressam per omnem domum in circuitu .

20 De terra usque ad superiora portæ , cherubim , & palmæ cælatae erant in pariete templi .

21 Li-

21 Limen quadrangulum , & facies sanctorum , aspectus contra aspectum .

22 Altaris lignei trium cubitorum altitudo : & longitudo ejus duorum cubitorum ; & anguli ejus , & longitudo ejus , & parietes ejus lignei . Et locutus est ad me : Hæc est mensura coram Domino .

23 Et duo ostia erant in templo , & in sanctuario .

24 Et in duobus ostiis ex utraque parte bina erant ostiola , quæ in se invicem plicabantur : bina enim ostia erant ex utraque parte ostiorum .

25 Et cælata erant in ipsis ostiis templi cherubim , & sculpturæ palmarum , sicut in parietibus quoque expressæ erant : quam ob rem & grossiora erant ligna in vestibuli fronte forinsecus .

26 Super quæ fenestræ obliquæ , & similitudo palmarum hinc atque inde in humerulis vestibuli , secundum latera domus , latitudinemque parietum .

CAPUT XLII.

De gazophylaciis , cæterisque quæ ad sacrorum usum pertinent reædificandis .

1 ET eduxit me in atrium exterius per viam ducentem ad Aquilonem , & introduxit me in gazophylacium , quod erat contra separatum ædificium , & contra ædem vergentem ad Aquilonem .

2 In facie longitudinis , centum cubitos ostii Aquilonis ; & latitudinis quinquaginta cubitos .

3 Contra viginti cubitos atrii interioris , & contra pavimentum stratum lapide atrii exterioris , ubi erat porticus juncta porticui triplici .

4 Et ante gazophylacia deambulatio decem cubitorum latitudinis , ad interiora respiciens viæ cubiti unius . Et ostia eorum ad Aquilonem :

5 Ubi erant gazophylacia in superioribus humiliora : quia supportabant porticus , quæ ex illis eminebant de inferioribus , & de mediis ædificiis .

6 Tri-

6 Triflega enim erant, & non habebant columnas, sicut erant columnæ atriorum: propterea eminebant de inferioribus, & de mediis a terra cubitis quinquaginta.

7 Et peribolus exterior secundum gazophylacia, quæ erant in via atrii exterioris ante gazophylacia: longitudo ejus quinquaginta cubitorum.

8 Quia longitudo erat gazophylaciorum atrii exterioris, quinquaginta cubitorum: & longitudo ante faciem templi, centum cubitorum.

9 Et erat subter gazophylacia hæc introitus ab Oriente ingredientium in ea de atrio exteriori.

10 In latitudine periboli atrii, quod erat contra viam Orientalem, in faciem ædificii separati, & erant ante ædificium gazophylacia.

11 Et via ante faciem eorum juxta similitudinem gazophylaciorum, quæ erant in via Aquilonis: secundum longitudinem eorum, sic & latitudo eorum: & omnis introitus eorum, & similitudines, & ostia eorum.

12 Secundum ostia gazophylaciorum, quæ erant in via respiciente ad Notum: ostium in capite viæ: quæ via erat ante vestibulum separatum per viam Orientalem ingredientibus.

13 Et dixit ad me: Gazophylacia Aquilonis, & gazophylacia Austri, quæ sunt ante ædificium separatum, hæc sunt gazophylacia sancta: in quibus vescuntur sacerdotes, qui appropinquant ad Dominum in sancta sanctorum: ibi ponent sancta sanctorum, & oblationem pro peccato, & pro delicto: locus enim sanctus est.

14 Cum autem ingressi fuerint sacerdotes, non egredientur de sanctis in atrium exterius: & ibi reponent vestimenta sua, in quibus ministrant, quia sancta sunt: vestienturque vestimentis aliis, & sic procedent ad populum.

15 Cumque compleissent mensuras domus interioris, eduxit me per viam portæ, quæ respiciebat ad viam Orientalem: & mensus est eam undique per circuitum.

16 Mensus est autem contra ventum Orientalem

lem calamo mensuræ, quingentos calamos in calamo mensuræ per circuitum.

17 Et mensus est contra ventum Aquilonis quingentos calamos in calamo mensuræ per gyrum.

18 Et ad ventum Australem mensus est quingentos calamos in calamo mensuræ per circuitum.

19 Et ad ventum Occidentalem mensus est quingentos calamos in calamo mensuræ.

20 Per quatuor ventos mensus est murum ejus undique per circuitum, longitudinem quingentorum cubitorum, & latitudinem quingentorum cubitorum dividentem inter sanctuarium & vulgi locum.

CAPUT XLIII.

Gloria Domini apparente audit propheta, quod filii Israel non amplius polluent nomen Domini, & quæ sint mensuræ altaris, ac sacrificia ad ipsum septem diebus expiandum.

1 ET duxit me ad portam, quæ respiciebat ad viam Orientalem.

2 Et ecce gloria Dei Israel ingrediebatur per viam Orientalem: & vox erat ei quasi vox aquarum multarum, & terra splendebat a majestate ejus.

3 * Et vidi visionem secundum speciem, quam videram, quando venit ut disperderet civitatem: & species secundum aspectum, * quem videram juxta fluvium Chobar: & cecidi super faciem meam. * Supra 9. 1. * Supra 1. 13.

4 Et majestas Domini ingressa est templum per viam portæ, quæ respiciebat ad Orientem.

5 Et elevavit me spiritus, & introduxit me in atrium interius: & ecce repleta erat gloria Domini domus.

6 Et audiivi loquentem ad me de domo, & vir qui stabat juxta me,

7 Dixit ad me: Fili hominis, locus solii mei, & locus vestigiorum pedum meorum, ubi habitatio in medio filiorum Israel in æternum: & non polluent ultra domus Israel nomen sanctum meum,

meum, ipsi, & reges eorum in fornicationibus suis, & in ruinis regum suorum, & in excelsis.

8 Qui fabricati sunt limen suum juxta limen meum, & postes suos juxta postes meos: & murus erat inter me & eos: & polluerunt nomen sanctum meum in abominationibus, quas fecerunt: propter quod consumpsi eos in ira mea.

9 Nunc ergo repellant procul fornicationem suam, & ruinas regum suorum a me: & habitabo in medio eorum semper.

10 Tu autem fili hominis ostende domui Israel templum, & confundantur ab iniquitatibus suis, & metiantur fabricam:

11 Et erubescant ex omnibus, quæ fecerunt: Figuram domus, & fabricæ ejus exitus, & introitus, & omnem descriptionem ejus, & universa præcepta ejus, cunctumque ordinem ejus, & omnes leges ejus ostende eis, & scribes in oculis eorum: ut custodiant omnes descriptiones ejus, & præcepta illius, & faciant ea.

12 Ista est lex domus in summitate montis: Omnis finis ejus in circuitu, sanctum sanctorum est: hæc est ergo lex domus.

13 Ista autem mensuræ altaris in cubito verissimo, qui habebat cubitum, & palmum: in sinu ejus erat cubitus, & cubitus in latitudine, & definitio ejus usque ad labium ejus, & in circuitu, palmus unus. Hæc quoque erat fossa altaris.

14 Et de sinu terræ usque ad crepidinem novissimam duo cubiti, & latitudo cubiti unius: & a crepidine minore usque ad crepidinem majorem quatuor cubiti, & latitudo cubiti unius.

15 Ipse autem Ariel quatuor cubitorum: & ab Ariel usque ad sursum, cornua quatuor.

16 Et Ariel duodecim cubitorum in longitudine per duodecim cubitos latitudinis: quadrangulatum æquis lateribus.

17 Et crepido quatuordecim cubitorum longitudinis per quatuordecim cubitos latitudinis in quatuor angulis ejus: & corona in circuitu ejus dimidii

midii cubiti, & finis ejus unius cubiti pro circuitum: gradus autem ejus versi ad Orientem.

18 Et dixit ad me: Fili hominis, hæc dicit Dominus Deus: Hi sunt ritus altaris in quacumque die fuerit fabricatum: ut offeratur super illud holocaustum, & effundatur sanguis.

19 Et dabis Sacerdotibus, & Levitis, qui sunt de semine Sadoc, qui accedunt ad me, ait Dominus Deus, ut offerant mihi vitulum de armento pro peccato.

20 Et assumens de sanguine ejus, pones super quatuor cornua ejus, & super quatuor angulos crepidinis, & super coronam in circuitu: & mundabis illud, & expiabis.

21 Et tolles vitulum, qui oblatum fuerit pro peccato: & combures eum in separato loco domus extra sanctuarium.

22 Et in die secunda offeres hircum caprarum immaculatum pro peccato: & expiabunt altare, sicut expiaverunt in vitulo.

23 Cumque compleveris expians illud, offeres vitulum de armento immaculatum, & arietem de grege immaculatum.

24 Et offeres eos in conspectu Domini: & mittentur sacerdotes super eos sal, & offerent eos in holocaustum Domino.

25 Septem diebus facies hircum pro peccato quotidie: & vitulum de armento, & arietem de pecoribus immaculatos offerent.

26 Septem diebus expiabunt altare, & mundabunt illud: & implebunt manum ejus.

27 Expletis autem diebus, in die octava & ultra, facient sacerdotes super altare holocausta vestra, & quæ pro pace offerunt: & placatus ero vobis, ait Dominus Deus.

CAPUT XLIV.

Porta sanctuarii clausa, qua solus Deus ingreditur: incircumcisi carne & corde non ingredientur sanctuarium, nec Levite qui idola secuti sunt, sed hi ministri domus erunt: filii autem Sadoc sacerdotes ingredientur, & horum leges ponuntur.

1 Et

1 **ET** conuenit me ad uiam portæ sanctuarii exterioris, quæ respiciebat ad Orientem: & erat clausa.

2 **Et** dixit Dominus ad me: Porta hæc clausa erit: non aperietur, & uir non transibit per eam: quoniam Dominus Deus Israel ingressus est per eam, eritque clausa principi.

3 **Princeps** ipse sedebit in ea, ut comedat panem coram Domino: per uiam portæ vestibuli ingredietur, & per uiam ejus egredietur.

4 **Et** adduxit me per uiam portæ Aquilonis in conspectu domus: & uidi, & ecce impleuit gloria Domini domum Domini: & cecidi in faciem meam.

5 **Et** dixit ad me Dominus: Fili hominis pone cor tuum, & uide oculis tuis, & auribus tuis audi omnia, quæ ego loquor ad te de uniuersis cæremoniis domus Domini, & de cunctis legibus ejus: & pones cor tuum in uis templi per omnes exitus sanctuarii.

6 **Et** dices ad exasperantem me domum Israel: Hæc dicit Dominus Deus: Sufficiant uobis omnia scelera uestra domus Israel;

7 **Eo** quod inducitis filios alienos incircumcisos corde, & incircumcisos carne, ut sint in sanctuario meo, & polluant domum meam: & offeritis panes meos, adipem, & sanguinem: & dissoluitis pactum meum in omnibus sceleribus uestris.

8 **Et** non seruastis præcepta sanctuarii mei: & posuistis custodes observationum mearum in sanctuario meo uobismetipsis.

9 **Hæc** dicit Dominus Deus: Omnis alienigena incircumcisos corde, & incircumcisos carne, non ingredietur sanctuarium meum, omnis filius alienus qui est in medio filiorum Israel.

10 **Sed** & Levitæ, qui longe recefferunt a me in errore filiorum Israel, & errauerunt a me post idola sua, & portauerunt iniquitatem suam:

11 **Erunt** in sanctuario meo æditui, & janitores portarum domus, & ministri domus: ipsi manebunt holocausta, & uictimas populi: & ipsi stabunt in conspectu eorum, ut ministrent eis.

12 **Pro** eo quod ministrauerunt illis in conspectu

tu idolorum suorum, & facti sunt domui Israel in offendiculum iniquitatis: idcirco leuavi manum meam super eos, ait Dominus Deus, & portabunt iniquitatem suam:

13 **Et** non appropinquabunt ad me, ut sacerdotio fungantur mihi, neque accedent ad omne sanctuarium meum juxta sancta sanctorum: sed portabunt confusionem suam, & scelera sua, quæ fecerunt.

14 **Et** dabo eos janitores domus in omni ministerio ejus, & in uniuersis quæ fient in ea.

15 **Sacerdotes** autem & Levitæ filii Sadoc, qui custodierunt cæremonas sanctuarii mei, cum errarent filii Israel a me, ipsi accedent ad me, ut ministrent mihi: & stabunt in conspectu meo, ut offerant mihi adipem, & sanguinem, ait Dominus Deus.

16 **Ipsi** ingredientur sanctuarium meum, & ipsi accedent ad mensam meam, ut ministrent mihi, & custodiant cæremonas meas.

17 **Cumque** ingredientur portas atrii interioris, uestibus lineis induentur: nec ascendet super eos quidquam laneum, quando ministrant in portis atrii interioris & intrinsecus.

18 **Vittæ** lineæ erunt in capitibus eorum, & feminalia linea erunt in lumbis eorum, & non accingentur in sudore.

19 **Cumque** egredientur atrium exterius ad populum, exuent se uestimentis suis, in quibus ministrauerant, & reponent ea in gazophylacio sanctuarii, & uestient se uestimentis aliis: & non sanctificabunt populum in uestibus suis.

20 **Caput** autem suum non radent, neque comam nutriunt: sed tondentes atrudent capita sua.

21 **Et** uinum non bibet omnis sacerdos, quando ingressurus est atrium interius.

22 **Et** uiduam, & repudiatam non accipient uxores, sed uirgines de femine domus Israel: sed & uiduam, quæ fuerit uidua a sacerdote, accipient.

23 **Et** populum meum docebunt quid sit inter sanctum & pollutum, & inter mundum & immundum ostendent eis.

24 Et cum fuerit controversia, stabunt in iudiciis meis, & iudicabunt: leges meas, & præcepta mea in omnibus solemnitatibus meis custodient, & sabbata mea sanctificabunt.

25 Et ad mortuum hominem non ingredientur, ne polluantur, nisi ad patrem & matrem, & filium & filiam, & fratrem & sororem, quæ alterum virum non habuerit: in quibus contaminabuntur.

26 Et postquam fuerit emundatus, septem dies numerabuntur ei.

27 Et in die introitus sui in sanctuarium ad atrium interius ut ministret mihi in sanctuario, offeret pro peccato suo, ait Dominus Deus.

28 * Non erit autem eis hæreditas, ego hæreditas eorum: & possessionem non dabitis eis in Israel, ego enim possessio eorum.

29 Victimam & pro peccato & pro desido ipsi comedent, & omne votum in Israel ipsorum erit.

30 * Et primitiva omnium primogenitorum, & omnia libamenta ex omnibus, quæ offeruntur, sacerdotum erunt: & primitiva ciborum vestrorum dabitis sacerdoti, ut reponat benedictionem domui tuæ.

31 * Omne morticinum, & captum a bestia de avibus & de pecoribus non comedent Sacerdotes.

CAPUT XLV.

In terræ divisione, separatim Domino primitiis assignanda est certa portio Sacerdotibus, Levitis, civitati ac principi: servandaque æquitas in ponderibus, mensuris, primitiis & sacrificiis: quæ sacrificia offerentur primo ac septimo die primi mensis, & in solemnitatibus Paschæ ac Tabernaculorum.

1 Cūque cæperitis terram dividere sortito, separate primitias Domino, sanctificauit de terra, longitudine viginti quinque millia, & latitudine decem millia: sanctificatum erit in omni termino ejus per circuitum.

2 Et erit ex omni parte sanctificatum quingentos per quingentos, quadrifariam per circuitum: & quinquaginta cubitis in suburbana ejus per syrum.

3 Et

3 Et a mensura ista mensurabis longitudinem viginti quinque millium, & latitudinem decem millium, & in ipso erit templum, sanctumque sanctorum.

4 Sanctificatum de terra erit sacerdotibus ministris sanctuarii, qui accedunt ad ministerium Domini: & erit eis locus in domos, & in sanctuarium sanctitatis.

5 Viginti quinque autem millia longitudinis, & decem millia latitudinis erunt Levitis, qui ministrant domui: ipsi possidebunt viginti gazophylacia.

6 Et possessionem civitatis dabitis quinque millia latitudinis, & longitudinis viginti quinque millia secundum separationem sanctuarii, omni domui Israel.

7 Principi quoque hinc & inde in separationem sanctuarii, & in possessionem civitatis, contra faciem separationis sanctuarii, & contra faciem possessionis urbis: a latere Maris usque ad Mare, & a latere Orientis usque ad Orientem: Longitudinis autem juxta unamquamque partem a termino Occidentali usque ad terminum Orientalem.

8 De terra erit ei possessio in Israel: & non depopulabuntur ultra principes populum meum: sed terram dabunt domui Israel secundum tribus eorum.

9 Hæc dicit Dominus Deus: Sufficiat vobis principes Israel, iniquitatem & rapinas intermittite, & iudicium & justitiam facite; separate confinia vestra a populo meo, ait Dominus Deus.

10 Statera justa, & ephi justum, & batus justus erit vobis.

11 Ephi, & batus æqualia, & unius mensuræ erunt: ut capiat decimam partem cori batus, & decimam partem cori ephi: juxta mensuram cori erit æqua libratio eorum.

12 * Siclus autem viginti obolos habet. Porro viginti sicli, & viginti quinque sicli, & quindecim sicli, mnam faciunt.

13 Et hæc sunt primitiæ, quas tolletis: sextam partem ephi de coro frumenti, & sextam partem ephi de coro hordei.

A a a

i4 Mea.

* Num.
18. 20.
Deut. 18.
1.

* Exod.
22. 29.

* Lev.
22. 4.

* Exod.
30. 13.
Levit. 27.
25. Nama
3. 47.

14 Mensura quoque olei, batus olei, decima pars cori est: & decem bati corum faciunt, quia decem bati implent corum.

15 Et arietem unum de grege ducentorum de his, quæ nutriunt Israel in sacrificium, & in holocaustum, & in pacifica, ad expiandum pro eis, ait Dominus Deus.

16 Omnis populus terræ tenebitur primitiis his principi in Israel.

17 Et super principem erunt holocausta, & sacrificium, & libamina in solemnitatibus, & in Calendis, & in Sabbatis, & in universis solemnitatibus domus Israel: ipse faciet pro peccato sacrificium, & holocaustum, & pacifica ad expiandum pro domo Israel.

18 Hæc dicit Dominus Deus: In primo mense, una mensis fumes vitulum de armento immaculatum, & expiabis sanctuarium.

19 Et tollet sacerdos de sanguine quod erit pro peccato: & ponet in postibus domus, & in quatuor annulis crepidinis altaris, & in postibus portæ atrii interioris.

20 Et sic facies in septima mensis pro unoquoque, qui ignoravit, & errore deceptus est, & expiabis pro domo.

21 In primo mense, quartadecima die mensis erit vobis Paschæ solemnitas: septem diebus azyma comedentur.

22 Et faciet princeps in die illa pro se, & pro universo populo terræ, vitulum pro peccato.

23 Et in septem dierum solemnitate faciet holocaustum Domino septem vitulos, & septem arietes immaculatos quotidie septem diebus: & pro peccato hircum caprarum quotidie.

24 Et sacrificium ephi per vitulum, & ephi per arietem faciet: & olei hin per singula ephi.

25 Septimo mense, quintadecima die mensis in solemnitate faciet sicut supra dicta sunt per septem dies: tam pro peccato, quam pro holocausto, & in sacrificio, & in oleo.

CAPUT XLVI.

Porta solis Sabbatis ac calendis aperienda, & quæ

quæ holocausta his diebus offeret princeps, quæve porta ipse aut populus templum ingreditur, vel egredietur: de spontaneo & quotidiano principis holocausto: de ipsius dono filii aut servis dato: loca in quibus sacerdotes coquant sacrificia, & ministri victimas populi.

1 Hæc dicit Dominus Deus: Porta atrii interioris, quæ respicit ad Orientem, erit clausa sex diebus, in quibus opus sit: die autem Sabbati aperietur, sed & in die Calendarum aperietur,

2 Et intrabit princeps per viam vestibuli portæ deforis, & stabit in limine portæ: & facient sacerdotes holocaustum ejus, & pacifica ejus: & adorabit super limen portæ, & egredietur usque ad vesperam.

3 Et adorabit populus terræ ad ostium portæ illius in Sabbatis, & in Calendis coram Domino.

4 Holocaustum autem hoc offeret princeps Domino: in die Sabbati sex agnos immaculatos & arietem immaculatum.

5 Et sacrificium ephi per arietem: in agnis autem sacrificium quod dederit manus ejus: & olei hin per singula ephi.

6 In die autem Calendarum vitulum de armento immaculatum: & sex agni, & arietes immaculati erunt.

7 Et ephi per vitulum, ephi quoque per arietem faciet sacrificium: de agnis autem, sicut invenerit manus ejus: & olei hin per singula ephi.

8 Cumque ingressurus est princeps, per viam vestibuli portæ ingrediatur, & per eandem viam exeat.

9 Et cum intrabit populus terræ in conspectu Domini in solemnitatibus: qui ingreditur per portam Aquilonis, ut adoret, egredietur per viam portæ Meridianæ: porro qui ingreditur per viam portæ Meridianæ, egredietur per viam portæ Aquilonis: non revertetur per viam portæ, per quam ingressus est, sed e regione illius egredietur.

10 Princeps autem in medio eorum cum ingredientibus ingrediatur, & cum egredientibus egredietur.

11 Et in nudinis, & in solemnitatibus erit:

sacrificium ephi per vitulum, & ephi per arietem erit sacrificium sicut invenerit manus ejus: & olei hin per singula ephi.

12 Cum autem fecerit princeps spontaneum holocaustum, aut pacifica voluntaria Domino: aperietur ei porta, quæ respicit ad Orientem, & faciet holocaustum suum, & pacifica sua, sicut fieri solet in die sabbati: & egredietur, claudeturque porta postquam exierit.

13 Et agnum ejusdem anni immaculatum faciet holocaustum quotidie Domino: semper mane faciet illud.

14 Et faciet sacrificium super eo cata mane mane sextam partem ephi, & de oleo tertiam partem hin, ut miscatur similæ: sacrificium Domino legitimum, jure atque perpetuum.

15 Faciet agnum, & sacrificium, & oleum cata mane mane: holocaustum sempiternum.

16 Hæc dicit Dominus Deus: Si dederit princeps donum alicui de filiis suis: hæreditas ejus, filiorum suorum erit, possidebunt eam hæreditarie.

17 Si autem dederit legatum de hæreditate sua uni servorum suorum, erit illius usque ad annum remissionis, & revertetur ad principem: hæreditas autem ejus, filiis ejus erit.

28 Et non accipiet princeps de hæreditate populi per violentiam, & de possessione eorum: sed de possessione sua hæreditatem dabit filiis suis: ut non dispergatur populus meus unusquisque a possessione sua.

19 Et introduxit me per ingressum, qui erat ex latere portæ, in gazophylacia sanctuarii ad sacerdotes, quæ respiciebant ad Aquilonem: & erat ibi locus vergens ad Occidentem.

20 Et dixit ad me: Iste est locus, ubi coquent sacerdotes pro peccato, & pro delicto: ubi coquent sacrificium, ut non efferant in atrium exterius, & sanctificetur populus.

21 Et eduxit me in atrium exterius, & circumduxit me per quatuor angulos atrii, & ecce atriolium erat in angulo atrii, atriola singula per angulos atrii.

22 In quatuor angulis atrii atriola disposita, quadraginta cubitorum per longum, & triginta per latum: mensuræ unius quatuor erant.

23 Et paries per circuitum ambiens quatuor atriola: & culinæ fabricatæ erant subter porticum per gyrum.

24 Et dixit ad me: Hæc est domus culinarum, in qua coquent ministri domus Domini victimas populi.

CAPUT XLVII

Aquæ subter limen domus egredientes, & in latus templi dextrum descendentes, efficiuntur torrentem, qui tandem non potest transvadari, & sanat omnia ad quæ pertigerit, habens pisces & arbores fructiferas: termini Terræ sanctæ, quæ duodecim tribubus Israel, & advenis dividenda est.

1 **E**T convertit me ad portam domus, & ecce aquæ egrediebantur subter limen domus ad Orientem: facies enim domus respiciebat ad Orientem, aquæ autem descendebant in latus templi dextrum ad Meridiem altaris.

2 Et eduxit me per viam portæ Aquilonis, & convertit me ad viam foras portam exterioriorem, viam quæ respiciebat ad Orientem: & ecce aquæ redundantes a latere dextro.

3 Cum egrederetur vir ad Orientem, qui habebat funiculum in manu sua, & mensus est mille cubitos: & traduxit me per aquam usque ad talos.

4 Rursumque mensus est mille, & traduxit me per aquam usque ad genua:

5 Et mensus est mille, & traduxit me per aquam usque ad renes. Et mensus est mille, torrentem, quem non potui pertransire: quoniam intumuerant aquæ profundi torrentis, qui non potest transvadari.

6 Et dixit ad me: Certe vidisti, fili hominis. Et eduxit me, & convertit ad ripam torrentis.

7 Cumque me convertissem, ecce in ripa torrentis ligna multa nimis ex utraque parte.

8 Et ait ad me: Aquæ istæ, quæ egrediuntur ad tumulos sabuli Orientalis, & descendunt ad plana deserti, intrabunt mare, & exibunt, & sanabuntur aquæ.

9 Et omnis anima vivens, quæ serpit, quocumque venerint torrens, vivet: & erunt pisces multi satis postquam venerint illuc aquæ istæ, & sanabuntur & vivent omnia ad quæ venerit torrens.

10 Et stabunt super illas piscatores, ab Engadi usque ad Engallim siccatio saganarum erit: plurimæ species erunt piscium ejus, sicut pisces maris magai, multitudinis nimie:

11 In litoribus autem ejus, & in palustribus non sanabuntur, quia in salinas dabuntur.

12 Et super torrentem orietur in ripis ejus ex utraque parte omne lignum pomiferum: non defluet folium ex eo, & non deficiet fructus ejus: per singulos menses afferet primitiva, quia aquæ ejus de sanctuario egredientur: & erunt fructus ejus in cibum, & folia ejus ad medicinam.

13 Hæc dicit Dominus Deus: Hic est terminus, in quo possidebitis terram in duodecim tribubus Israel: quia Joseph duplicem funiculum habet.

14 Possidebitis autem eam singuli æque ut frater suus: super quam levavi manum meam, ut darem patribus vestris: & cadet terra hæc vobis in possessionem.

15 Hic est autem terminus terræ: ad plagam Septentrionalem a mari magno via Hethalon, venientibus Sedada,

16 Emath, Berotha, Sabarim, quæ est inter terminum Damasci & confinium Emath, domus Tichon, quæ est juxta terminum Auran.

17 Et erit terminus a Mari usque ad atrium Enon terminus Damasci, & ab Aquilone ad Aquilonem: terminus Emath plagæ Septentrionalis.

18 Porro plagæ Orientalis de medio Auran, & de medio Damasci, & de medio Galaad, & de medio terræ Israel, Jordanis determinans ad mare Orientale, metiemini etiam plagam Orientalem.

19 Plaga autem australis meridiana a Thamar usque ad aquas contradictionis Cades: & torrens usque ad mare magnum: & hæc est plagæ ad Meridiem australis.

20 Et plagæ Maris, mare magnum a confinio per

per directum, donec venias Emath: hæc est plagæ Maris.

21 Et dividetis terram istam vobis per tribus Israel:

22 Et mittetis eam in hæreditatem vobis, & advenis, qui accesserint ad vos, qui genuerint filios in medio vestrum: & erunt vobis sicut indigentæ inter filios Israel: vobiscum dividet possessionem in medio trium tribuum Israel.

23 In tribu autem quacumque fuerit advena, ibi dabitur possessio illi, ait Dominus Deus.

CAPUT XLVIII.

Divisio Terræ sanctæ in duodecim tribus: ubi sunt primitiæ & sanctuarium: locus Sacerdotum ac Levitarum: mensura civitatis in quadro cum suburbanis: possessio principis: & duodecim portæ civitatis juxta duodecim tribus.

1 **E**T hæc nomina trium tribuum a finibus Aquilonis juxta viam Hethalon pergentibus Emath, atrium Enan terminus Damasci ad Aquilonem juxta viam Emath. Et erit ei plagæ Orientalis Mare, Dan una.

2 Et super terminum Dan, a plagæ Orientali usque ad plagam Maris, Afer una:

3 Et super terminum Afer, a plagæ Orientali usque ad plagam Maris, Nephtali una.

4 Et super terminum Nephtali, a plagæ Orientali usque ad plagam Maris, Manasse una.

5 Et super terminum Manasse, a plagæ Orientali usque ad plagam Maris, Ephraim una.

6 Et super terminum Ephraim, a plagæ Orientali usque ad plagam Maris, Ruben una.

7 Et super terminum Ruben, a plagæ Orientali usque ad plagam Maris, Juda una.

8 Et super terminum Juda, a plagæ Orientali usque ad plagam Maris, erunt primitiæ, quas separabitis, viginti quinque millibus latitudinis, & longitudinis, sicuti singulæ partes a plagæ Orientali usque ad plagam Maris: & erit sanctuarium in medio ejus.

9 Primitiæ, quas separabitis Domino: longitudo viginti quinque millibus, & latitudo decem millibus.

10 Hæ autem erunt primitiæ sanctuarii sacerdotum: ad Aquilonem longitudinis viginti quinque millia, & ad mare latitudinis decem millia, sed & ad Orientem latitudinis decem millia, & ad Meridiem longitudinis viginti quinque millia: & erit sanctuarium Domini in medio ejus.

11 Sacerdotibus sanctuarium erit de filiis Sadoe, qui custodierunt cæremonias meas, & non erraverunt, cum errarent filii Israel, sicut erraverunt & Levitæ.

12 Et erunt eis primitiæ de primitiis terræ sanctum sanctorum, juxta terminum Levitarum.

13 Sed & Levitis similiter juxta fines sacerdotum viginti quinque millia longitudinis, & latitudinis decem millia. Omnis longitudo viginti & quinque millium, & latitudo decem millium.

14 Et non venundabunt ex eo, neque mutabunt, neque transferentur primitiæ terræ, quia sanctificatæ sunt Domino.

15 Quinque millia autem quæ supersunt in latitudine per viginti quinque millia, profana erunt urbis in habitaculum, & in suburbana: & erit civitas in medio ejus.

16 Et hæ mensuræ ejus: ad plagam Septentrionalem quingenta & quatuor millia: & ad plagam Meridianam, quingenta & quatuor millia: & ad plagam Orientalem, quingenta & quatuor millia, & ad plagam Occidentalem, quingenta & quatuor millia.

17 Erunt autem suburbana civitatis ad Aquilonem ducenta quinquaginta, & ad Meridiem ducenta quinquaginta, & ad Orientem ducenta quinquaginta, & ad Mare ducenta quinquaginta.

18 Quod autem reliquum fuerit in longitudine secundum primitias sanctuarii, decem millia in Orientem, & decem millia in Occidentem, erunt sicut primitiæ sanctuarii: & erunt fruges ejus in panes his, qui serviunt civitati.

19 Servientes autem civitati, operabuntur ex omnibus tribubus Israel.

20 Omnes primitiæ, viginti quinque millium, per viginti quinque millia in quadrum, separabuntur.

buntur in primitias sanctuarii, & in possessionem civitatis.

21 Quod autem reliquum fuerit, principis erit ex omni parte primitiarum sanctuarii, & possessionis civitatis e regione viginti quinque millium primitiarum usque ad terminum Orientalem: sed & ad Mare e regione viginti quinque millium usque ad terminum maris, similiter in partibus principis erit: & erunt primitiæ sanctuarii, & sanctuarium templi in medio ejus.

22 De possessione autem Levitarum, & de possessione civitatis in medio partium principis: erit inter terminum Juda, & inter terminum Benjamin, & ad principem pertinebit.

23 Et reliquis tribubus: a plaga Orientali usque ad plagam Occidentalem, Benjamin una.

24 Et contra terminum Benjamin, a plaga Orientali usque ad plagam Occidentalem, Simeon una.

25 Et super terminum Simeonis, a plaga Orientali usque ad plagam Occidentalem, Issachar una.

26 Et super terminum Issachar, a plaga Orientali usque ad plagam Occidentalem, Zabulon una.

27 Et super terminum Zabulon, a plaga Orientali usque ad plagam Maris, Gad una.

28 Et super terminum Gad, ad plagam Austri in meridie: & erit finis de Thamar usque ad aquas contradictionis Cades, hæreditas contra mare magnum.

29 Hæc est terra, quam mittetis in sortem tribubus Israel: & hæc partitiones earum, ait Dominus Deus.

30 Et hi egressus civitatis: A plaga Septentrionali quingentos & quatuor millia mensurabis.

31 Et portæ civitatis ex nominibus tribuum Israel, portæ tres a Septentrione, porta Ruben una, porta Juda una, porta Levi una.

32 Et ad plagam Orientalem, quingentos & quatuor millia: & portæ tres, porta Joseph una, porta Benjamin una, porta Dan una.

33 Et ad plagam Meridianam, quingentos & quatuor millia metieris, & portæ tres, porta Simeonis